

U PÁAYT'AANIL

U NÁAJALIL IK'ILT'AAN TU PETENIL YUCATÁN, ICH MAAYAT'AAN

ISAAC CARRILLO CAN 2026



U JALA'ACHIL U LU'UMIL YUCATÁN, ICHIL U MEYAJ TI' U MOLA'AYIL SECRETARIA DE LA CULTURA YÉETEL AARTESE', KU PÁAYT'ANTIKO'OB MÁAK UTI'AL U KA'A NÁAJALIL IK'ILT'AAN TU PETENIL YUCATÁN, ICH MAAYAT'AAN, ISAAC CARRILLO CAN 2026

BIX JE'EL U TÁAKPAJAL MÁAKE'.

1. Ku béeytal u táakbesikubáaj ixts'íibo'ob yéetel ajts'íibo'ob ich maaya t'aan, maanal 18 anyos ti'ob kaja'ano'ob je'el ti'máakalmáak u estadoil ti' le petena', Yucatán, Campeche yéetel Quintana Roo.
2. Le u ts'íibil le ik'ilt'aano'obo' unaj beeta'an tumen máax táakbesik yéetel yáax ts'íibta'an ich maayat'aan.
3. Le ik'ilt'aan kun náajale' yaan u t'i'it'besa'al ichil ka'ap'éel t'aan, maayat'aan yéetel káastelan t'aan.

BA'AXO'OB KU K'ÁATA'AL UTI'AL TÁAKPAJAL

Unaj u túuxta'al jump'éeel correo ti' literatura.convocatorias@gmail.com yéetel le ju'uno'oba' ich PDF:

1. **U meyaj ts'íibil:** k'a'abéet yaan ti' u jach ma' ya'abile' 30 u wáalal yéetel tak 50 u jach ya'abil, ichil lela' ma' táan u xo'okol u portadail. Ichil u ts'íibil le áanalte'o' yaan u k'a'abéetkunsal le ba'axo'oba': u k'aaba' le u woojilo'obo' Times New Roman yéetel 12 puntos u nojochil, yéetel u xáachil u yáame' 1.5, unaj xan u ts'a'abal u xookil tuláakal u wáalal. Tu portadaile' chéen k'a'abéet u bin bix u k'aaba' le meyaj' yéetel jump'éeel patk'aaba' wa seudónimo.
2. **U ju'unilo'ob k'a'abéet u k'u'ubul:**
 - U ju'un u ye'esik máaxech (INE) wa pasaporte wa cedula profesional
 - CURP
 - Jump'éeel u comprobanteil tu'ux kaja'anech.
3. **Ichil u ts'íibil le correo' k'a'abéet u bin ichil káastelan t'aan le je'elo'oba'.**
 - a Chúuka'an k'aaba'.
 - b Patk'aaba' wa seudónimo.
 - c U k'aaba' le meyaj ichil maayat'aan yéetel káastelan t'aano'.
 - d Tu'ux kaja'an le máax táan u táakpajalo'.
 - e U númeroil u celular
 - f Yéetel le xóot' ts'íiba': **BAJO PROTESTA DE DECIR VERDAD**, manifiesto que a la presente fecha no he sido declarado culpable por autoridad judicial alguna por la comisión de delitos relacionados con cualquier tipo de violencia de género, hostigamiento y abuso sexual, abuso infantil, violencia vicaria y/o discriminación.

U K'IINILO'OB JE'EL U PÁAJTAL U K'A'AMAL MEYAJO'OBE'.

1. Uti'al u táakpajal máak ichil le payalt'aana', k'a'ana'an u túuxta'al meyaj'ob, tu k'iinil jts'a'ab k'ajóoltbil le payalt'aano' tak tu k'iinil **07 ti' octubre tu ja'abil 2026**, tak láas **23:59 tu chuumukil áak'ab**.

U XAK'ALTA'AL UTI'AL U YILAL WÁAJ UTS K'U'UBIK TULÁAKAL

1. Le meyaj'ob ma' jbeeta'ab je'elbix u k'áatik le payalt'aana' ma' táan u táakpesa'alo'obi'.
2. Le u xaak'alila' yaan u láak'inta'al uti'al u chiimpolta'al tumen juntúul notario público, leti'e' yaan u meyajtik jump'éeel u ju'unil tu'ux kun je'ets'el jach bix u yúuchul le xaak'alil meyaj'obo'.
3. Tuláakal le meyaj'ob jbeeta'ab je'elbix u k'áatik le payalt'aana', yaan u k'u'ubul ti' máaxo'ob jets'a'an bey juradoe' ut'ial u xokiko'ob yéetel u jóok'siko'ob máax kun náajal.

U MEYAJIL U YÉEYA'AL MÁAKALMÁAK MEYAJ KUN NÁAJAL YEETEL BA'AXK'IIN U TS'A'ABAL OJÉELTBIL.

1. Le meyaj kun táakpajalo'obo' yaan u xak'alta'al tumen máaxo'ob jets'a'an bey juraadose', jmáaxo'ob J-ts'íibo'ob yéetel académicas ku t'aaniko'ob maayat'aan, u k'aaba'obe' yaan u ts'a'abal ojéeltbil lekéen a'ala'ak máax náajalt le ketlamila'.
2. Le juraadoso' yaan u yéeyiko'ob chéen jump'éeel meyaj kun náajal.
3. U ts'a'abal ojéeltbil máax náajalte' yaan u ts'íibta'al ti' jump'éeel acta notariada yéetel xan yaan u ts'a'abal ojéeltbil tu k'iinil **13 ti' noviembre tu ja'abil 2026**, yaan xan u na'aksa'al ti' le sitio web: <https://cultura.yucatan.gob.mx> yéetel ti' u reedes sociales Sedeculta. Le ba'ax kéen u jets' le juraadoo', ma' táan u páajtal u k'e'exel.
4. Tuláakal le meyaj'ob digital k'uba'ane' ma' táan u náajalo'obo' yaan u tu'upul.

U JETS'T'AANILO'OB U TÁAKPAJAL MÁAKI'

1. Ma' táan u k'a'amal meyaj'ob ts'a'aban u k'aaba' bey patk'aaba' artisticoe' wáaj xan yaan u ts'íibilo'ob je'el u ye'esik máax u yuumil beetmile'.

2. Le máax kéen u náajalte' yaan u k'amik u beetik yéetel u mola'ayil Secretaría de la Cultura y las Artes de Yucatán (Sedeculta), u meyajil u sutik ti' kaaj u yutuil úuchik u náajaltik le ketlamila', le bix yéetel le wáaba'ax meyajil ku beetchajale', leti' le máaxo'oba', kun jets'ik tu k'iinil kéen úuchuk.
3. Máaxo'ob ku meyaj ti' le mola'ayil beetik le payalt'aana' ma' táan u béeytal u táakpajal ichil le ketlama' mix bey le máaxo'ob kéen u beet u juradoilo'.
4. Je'elbix u jets'ik u leeyil derechos de autor, le mola'ayo'ob beetik le payalt'aana' ma' táan u béeytal u ts'áaiko'ob jach ti' mixmáak, le meyaj kun náajale', u tsíibil impreso wa diijitaal chéen wáaj le u yuumil le ts'íibo' ka u éejentej.
5. Le páayt'aana' yaan u k'ubik jump'éeelili' náajalile'. Le máax kéen u náajalte' yaan u ts'áaik u permisoil ti' le mola'ayil beetik uti'al u ts'a'abal k'ajóoltbil le meyaj', u beeta'al u ya'abil yéetel ye'esa'al ti' tuláakal máak, je'elbix, impreso, digital wáaj electrónico, beeyxan ti' u kúuchilo'ob digital yéetel reedes le mola'aya', lela' chéen uti'al u k'ajóolta'al yéetel u táakmuk'ta'al u xo'okol.
6. Ma' u béeytal u táakpajal le máaxo'ob ts'o'ok u yáax náajaltik le ketlama'.
7. Le mola'ayil beetik le payalt'aana' u jets'maj u t'aanile' ma' bíin u k'am u yaantal loobil wáaj xan discriminacióni'. Le yóok'lale', je'el u béeytal u luk'sa'al le náajalil ti' máax ti' jts'a'abo', wáaj ku ta'akal u pool yéetel wa ku je'ets'el tumen le jala'ach judicial, leti' jbeeto', yéetel xan tumen le comisión kaláantik ma' u yantal je'elba'axak loobilo'ob yaan u yil yéetel género, hostigamiento yéetel loobil sexual, loobil ti' mejen paalal loobil vicaria yéetel discriminación.
8. Je'elba'axak ma' jets'a'an ichil le payalt'aana', yaan u tsikbalta'al tumen le máaxo'ob yéeya'an bey juraadoe', ichil u jaajil u ya'ala'al wáaba'ax, u keetil ba'ax k'a'abéet yéetel u ts'aatáanta'al u ya'ala'al tuláakal je'el bix unaje'.
9. Uti'al u táakpajal máak ichil le ketlamila', k'a'ana'an u k'ajóoltik yéetel u éejentik tuláakal ba'ax jets'a'an uti'al beetbil ichil yéetel xan le ba'ax kéen u ya'al le máaxo'ob juraadoo' yéetel le mola'ayil beetiko', le ba'axo'oba' ma' táan u k'e'exel.

B'AXO'OB KU CH'A'ANU'UKTA'AL:

1. U jats'utuil le ts'íibo'
2. U ma'alob ts'íibil ichil maayat'aan
3. U meyajtik le ts'íib ichil ik'ilt'aano'

U NÁAJALIL

1. U k'iinil u k'u'ubul le náajalilo', **18 ti' diciembre tu ja'abil 2026**.
2. U tojol u k'uchul le máax náajalnaj tak tu'ux kun úuchul le k'ub náajalilo' yéetel tu'ux kun p'áatale', yaan u bo'ota'al ti' tumen le mola'ayil beetik le payalt'aana'.
3. **U NÁAJALIL. JUMP'ÉELILI' U JAATSILE':** \$50 miil pesos kun ts'a'abil ti', jumpáakili'e'.

U SÁASILKÚUNTA'AL BIX U TS'A'ABAL K'AJÓOLTBIL TULÁAKAL TU YÓOK'LAL

Sedeculta unaj u kaláantik tuláakal ba'ax ku ya'alpajal tu yóok'lal u máakil, unaj u ts'aatáanta'al u datos je'elbix u jets'ik u leeyil Datos personales en posesión de sujetos obligadose', ichil xan, le bix u yanil ti' u jets't'aanilo'ob u lu'umil Yucatáne'. Je'el u béeytal u yojéelta'al le bix u kaláanta'al le daatoso' ti' u ts'íibilo'ob ichil le payalt'aana' yaan te' tu kúuchil internet <http://transparencia.yucatan.gob.mx/sedeculta/avisos-privacidad>

U K'IINILO'OB JACH UNAJ U TS'ATÁANTA'ALO':

U TS'A'ABAL K'AJÓOLTBIL LE PAYALT'AANA'	7 TI' AGOSTO TU JA'ABIL 2026
U K'A'ALAL LE PAYALT'AANA'	7 TI' OCTUBRE TU JA'ABIL 2026
U YA'ALA'AL MÁAX NÁAJALTEJ	13 TI' NOVIEMBRE TU JA'ABIL 2026
U K'U'UBUL U NÁAJALIL	18 TI' DICIEMBRE TU JA'ABIL 2026

U NÚUKA'AL U T'AAN KAJNÁALO'OB

U MOLA'AYIL SECRETARÍA DE CULTURA Y LAS ARTES TU LU'UMIL YUCATÁN

u direccional desarrollo artístico yéetel gestión cultural

u departamentoil fomento literario yéetel promoción editorial

U yoorail u núuka'al t'aan yéetel u k'iinilo'ob: lunes tak viernes, láas nweeve ja'atskab tak las 3 tu taal u chiinil k'iin

Ti' u teléfonoil 9999423800, u ekstensyoonil 54022

Correo electrónico: literatura.sedeculta@yucatan.gob.mx

Le páayt'aana' ku beeta'al je'elbix u tsolik le áartikuulos 9, ti' u VI fracción, 112 ti' u XIV fracción yaan ichil u leeyil Derechos Culturales para el Estado y Municipios ti' u lu'umil Yucatán; le áartikuulo 47 ti' u I, V, VI, X, XXI, XXV yéetel XXXI fraccionesil ti' le Código de la Administración Pública del Estado de Yucatáno'.

Le páayt'aana' ti' yaan te' kúuchil internet <https://cultura.yucatan.gob.mx> yéetel ti' u reedes sosyales Secretaría de la cultura y las artes tu lu'umil Yucatán.

Le meyaj' táan u beeta'al yéetel u taak'inil jala'ach federal, ichil le programa de Apoyos a la Cultura, ichil u jaatsil meyaj u k'aaba'e' Apoyos a Instituciones Estatales de Cultura ti' le mola'aya' Secretaria de Cultura.

"Le prograamaa', uti'al ojéeltbil tumen kaaj, mina'an ichil mixjump'éeel partido político. Wet'a'an u ch'a'abal u k'aaba' uti'al u k'i'itpesa'al yaanal bixij wa ma' jets'a'an ichili'".



RENACIMIENTO MAYA
GOBIERNO DE YUCATÁN | 2024 • 2030

SEDECULTA
SECRETARÍA DE LA
CULTURA Y LAS ARTES



Cultura
Secretaría de Cultura

DIRECCIÓN GENERAL
VINCULACIÓN CULTURAL